



P A V L V S P A P A V !

A D P E R P E T V A M R E I M E M O R I A M .

Romanus Pontifex in Beati Petri Sede constitutus, cui inter alia celestis Indulgentiarum thesauri dispensandi cura incumbit, sollicitè prospicere debet, ac solerter, ut huiusmodi Indulgentiarum dispensatio, & vsus ad Dei gloriam, & animarum salutē præcipuè dirigatur, & ne ex illarū multiplicitate confusio, aut inanis interpretatio exoriatur. Proinde cum se:re: Clementis Papa viij. Prædecessor noster magna cum diligentia, & solitudine procurauerit abusus, & corruptelas, tum in communicando Indulgentiarum thesauros, tum in modo illos recipiendi irreptos tollere, & propterea sua quadam Constitutione formam aggregandi, instituendi, & rectè administrandi Societates, & Confraternitates præscripserit, licet morte præuentus hanc piam eius voluntatem ad finalem executionem deducere, neq; etiam, ut cogitauerat, circa Indulgentias a plerisque Romanis Pontificibus Prædecessoribus, Religionibus, & Ordinibus Monasticis, & Mendicantibus diuersis temporibus concessas aliquid delibere potuerit. Nos, qui nullis nostris meritis, sed sola Dei benignitate ad Summi Apostolatus officium vocati sumus, susceptum à tanto Pontifice pium hoc opus ad optimum finem perducere cupientes, ubi primum Catholicæ Ecclesiæ regimen suscepimus, Venerabilibus fratribus nostris S. R. E. Cardinalibus ad hoc opus à dicto Clemente Prædecessore deputatis, de quorum numero tempore ipsius Clementis Prædecessoris eramus, iniunximus, ut in illo opere ad vltiora progredierentur, & Indulgentias Regularibus concessas recognoscerent, ijsq; recognitis rem nobiscum communicarent. Cum itaq; præfati Cardinales priuilegia, concessiones, & gratias prædictis Religionibus, & Ordinibus concessas diligenter inspexerint, & examinauerint, ac eorumdem Ordinū Superiores, & Officiales pluries audierint, ac circa easdem Indulgentias varia dubia, & incertitudines, & confusiones adesse compererint, & ex iudicio eorumdem etiam Regularium, vel aliquorum ex illis nobis proposuerint valde expedire, pro eorum maiori securitate, & beneficio, ut Indulgentias ipsis Religionibus, & Ordinibus ad instar, vel per communicationem, & modo hæcenus concessas annullaremus, & reuocaremus, ac alias partieu-
lis concederemus. Nos matura super hoc consultatione præhabita, cupien-
tes Regularibus quibuscunq; quorumvis Ordinum, tam Monasticorum, & Mendicantium spirituale solatium, & iuuamen afferre, infra scriptas Indul-
gentias, & gratias, quas personis Regularibus intra claustra, aut extra, cum licen-
tia tamen suorum Superiorum legitima de causa illis concessa degentibus tantum-
modo suffragari debere declaramus, concedendas duximus. Omnibus igitur Chri-
stianis, qui canonicè, & iuxta ordines cuiuslibet Religionis, & Constitutiones
apostolicas habitant, & regulariter à legitimis Superioribus causa profecti in illo
uiscerunt, die primo eorum ingressus in ipsam Religionem, si verè penitentes, &
confessi Sacratissimum Eucharistiæ Sacramentum sumperint, Plenariam; Ac cuius-
libet Nocturni, qui penitens, & confessus, ac sacra Communione refectus post com-
munionem probationis annum professionem emisit, etiam Plenariam; Nec non cui-
bet Religioso intra claustra sui Monasterii videnti, qui in fello principali suo Or-
dinis confessus & sacra Communione refectus fuerit, aut Missam recitans pro Chri-
stianorum Principum concordia, hæresum extirpatione, Romani Pontificis salute,
Sanctæ Matris Ecclesiæ exaltatione pias ad Deum preces effuderint, etiam Plen-
ariam; In cuiuslibet refectus, vel quatenus id facere nequiebat, saltem contritus
men IESU ore, si potuerit, sin autem corde, deuotè inuocauerit, etiam Plen-
ariam. Qui verò ad Presbyteratus ordinem canonicè promotus, & confessus primā
Missam celebrabit; necnon etiam ijs Religiosis, qui pariter confessi, ac sacra Com-
munione refecti eidem Missæ interfuerint, aut ipso die Missam similiter celebra-
uerint, etiam Plenariam; Iis verò qui de suorum Superiorum licentia à negotiis per
sem dies alieni in Cella commorabuntur, aut ab aliorum conuersatione separa-
tiorum librorum, & aliarum rerum spiritualium animos ad deuotionem, & spi-
ritualium lectionibus operam suam dederint, addendo sæpè considera-
tiones, & meditationes mysteriorum fidei Catholicæ, diuinorum beneficiorum,
etiam Nouissimorum, Passionis Domini Nostri IESU CHRISTI, & aliorū
beneficiorum, orationum iaculatoriarum, aut vocalium saltem per duas horas in
die, & noctem orationibus mentalibus sese exercendo, faciendo eodem tempore
professionem generalem, aut annualem, vel ordinariam, Sacratissimum Eucharistiæ
Sacramentum sumperint, aut Missam celebrauerint, quoties pro quolibet prædi-
ctam exercitum Plenariam similiter omnium peccatorum suorum Indulgen-
tiam, & remissionem misericorditer in Domino concedimus. Præterea idem Reli-
giosis intra claustra viuētes, qui suam Ecclesiam deuotè visitauerint, & vt præfertur

ora uerint, consequantur easdem Indulgentias, quas visitantes Ecclesias Urbis, & extra eam diebus Stationum consequuntur, in omnibus diebus, perinde ac si ipsas Urbis Ecclesias personaliter visitarent. Omnibus item Religiosis intra claustra ut supra viuētib; qui quinquies Orationem Dominicam, & toties salutationem Angelicam ante Altare eorum Ecclesiæ in quolibet die quinquè Annos, & totidem quadragenis; ijs verò qui de suorum Superiorum licentia in itinere existentes, aut extra claustra degentes, tanquam Prædicatores, & Lectores quinquies eandem orationem Dominicam, & toties salutationem Angelicam ante quodlibet Altare similiter dixerint, etiam quinquè annos, & totidem quadragenas: Necnon etiam ijs Religiosis, qui per mensem integrum singulis diebus spatio mediæ horæ orationem mentalem fecerint, ac confessi, & sacra Communione vltima Dominica mensis huiusmodi refecti fuerint, sexaginta annos, & totidem quadragenas: Qui verò contrito corde, & penitentes eorum culpas, & peccata, ac imperfectiones in Capitulis Culparum accusabunt, & spiritualiter communicabunt, & exercitium virtutum faciant, tres annos, & totidem quadragenas. Quotiescumq; autem de licentia Summi Pontificis, aut suorum Superiorum in Ditiones, & Terras Infidelium, aut hereticorum ad concionandum, aut Catholicos docendum, vel Infideles, & hereticos ipsos ad fidem Catholicam conuertendum, & Ecclesiæ gremio reducendum missi fuerint, si penitentes, & confessi, ac Sanctissimam Communionem refecti fuerint, vel Missam celebrauerint, ut melius ad huiusmodi opus sese parare valeant, pro duabus vicibus, videlicet quando itineri se accingent, & quando in Prouinciam, ubi prædicta opera eis exercenda erunt, ingressi fuerint, Plenariam omnium peccatorum suorum Indulgentiam, & remissionem misericorditer in Domino pariter concedimus, & elargimur. Et insuper cum Superior in visitationibus generalibus orationes quadraginta horarum pro bono visitationis progressu collocare voluerit, ijs Religiosis, qui dictis orationibus saltem spatio duarum horarum in diuerso tempore interfuerint, & ibi pro Christianorum Principum concordia, hæresum extirpatione, Romani Pontificis salute, ac Sanctæ Matris Ecclesiæ exaltatione, necnon disciplina, & obseruantia regularis augmento pias ad Deum preces, ut supra dictum est, effuderint, si confessi, & sacra Communione refecti fuerint, aut Missam celebrauerint, Plenariam similiter omnium peccatorum Indulgentiam, & remissionem, ut præfertur, concedimus. Volumus autem, ut omnes supradictæ Indulgentiæ, & gratiæ, Religiosis regularibus cuiusvis Ordinis, tam Monastici, quam Mendicantis duntaxat, ut præfertur concessæ, etiam omnibus Monialibus cuiusvis regulari approbatæ, & intra claustra cum tribus votis solemnibus viuētib; & perpetuam claustrum seruantiis tam Ordinariis locorum, quam etiam regularibus cuiusvis Ordinis, regulæ, & instituti subiectis suffragentur. Præsentibus perpetuis futuris temporibus duraturis. Ceterum omnes, & singulas Indulgentias quibuscunq; Ordinibus, & Institutis regularibus huiusmodi, etiam Mendicantibus, & quibuscunq; personis regularibus, tam vigore priuilegiiorum, & litterarum Apostolicarum, quam viuz vocis oraculo, aut aliis quouis modo per quoscunq; Romanos Pontifices Prædecessores nostros, ac nos, & Apostolicam Sedem hæcenus concessas, confirmatas, approbatas, & innouatas, auctoritate, & tenore prædictis perpetuè reuocamus, cassamus, annullamus, & abrogamus, & ad præsentium nostrarum litterarum præscriptum reducimus, & moderamus. Non obstant quibuscunq; Constitutionibus, & Ordinationibus Apostolicis, ac eorumdem Ordinum, & Institutum Regularium, etiam iuramento, confirmatione Apostolica, vel quavis firmitate alia roboratis statutis, & consuetudinibus, priuilegiis quoq; indultis, & literis Apostolicis, etiam Mare magnum, & Bulla aurea nuncupata eisdem Ordinibus, & Institutis, eorumq; Monasteriis, Conuentibus, Collegiis, Domibus, Superioribus, & personis in contrarium præmissorum quomodolibet concessis, confirmatis, & approbatis. Quibus omnibus, & singulis, etiam si pro illorum sufficienti derogatione de illis, eorumq; totis tenoribus specialis, specifica, expressa, ac de verbo ad verbum, non autem per clausulas generales idem importantes mentio, sed quouis alia expressio habenda foret, tenores huiusmodi præsentibus pro expressis, & ad verbum insertis habentes, illis aliis in suo robore permanentibus, hac vice duntaxat specialiter, & expressè derogamus, ceterisq; contrariis quibuscunq;. Volumus autem, ut præsentium transumptis, etiam impressis manu alicuius Notarii publici subscriptis, & sigillo alicuius personæ in dignitate Ecclesiastica constitutæ munitis, eadē fides habeatur vbique, quæ præsentibus ipsis originalibus literis haberetur Dat. Romæ apud Sanctum Petrum sub Annulo Piscatoris, die xxiij. Maij M. DCV. Pontificatus Nostri Anno Primo.

